

Quirguiz

Lo **quirguiz** (кыргыз тили, кыргызча, *kyrgyz tili*, *kyrgyzça*, قرعزچا, قرعز تیلی) es una lenga turquesa parlada en Quirguizstan. Es ligat en particular al cazac. Es la lenga oficiala de Quirguizstan amb lo rus.

Somari

Situacion demografica de la lenga
Quirguizstan: dominacion demografica del quirguiz
La lenga quirguiza fòra Quirguizstan
Lo quirguiz e las autras lengas de Quirguizstan
Lo rus
L'ozbèc

Nòtas e referéncias

Situacion demografica de la lenga

Quirguizstan: dominacion demografica del quirguiz

En 1999, èra la lenga mairala de mai de 65,2% de la poblacion^[1] en Quirguizstan e una lenga segonda per 4,8% (especialamant los ozbècs) siá 70,0%.

Lo rus demòra ben practicat demest los quirguizes (49,2% lo parlan).

La lenga quirguiza fòra Quirguizstan

Es tanben una lenga minoritària parlada dins qualques païses, en Russia, China, Cazacstan, Ozbequistan, etc., per 500 000 personas al pus mai.

Lo quirguiz e las autras lengas de Quirguizstan

Lo rus

Lo rus èra la lenga mairala de 14,7% en 1999 e la lenga segonda^[2] de 31,8% siá 46,5%.

Lo rus gaudís d'un prestigi que fa sofracha al quirguiz e, en 1999, èra encara una lenga largament coneguda dins lo país. Es tanben la segonda lenga oficiala.

En 1999, 49,2% dels quirguizes parlavan rus. Per comparason, sonque 2,3% dels russes parlavan quirguiz.

L'ozbèc

L'ozbèc es una lenga importanta, localament majoritària dins lo sud e la lenga de la minoritat^[3] mai nombrosa del país (14,33%).

En 1999, èra la lenga mairala de 14% de la populacion e la lenga segonda per 3,5%, siá un total de 17,5%. Es la lenga majoritària de la region d'Osh (55% d'ozbècs) e la primièra lenga mairala (31,9%) de la region de Jalal-Abad. 98,4^[4]% dels ozbècs avián l'ozbèc coma lenga mairala e 18,9% dels ozbècs parlavan quirguiz (36,4% parlavan tanben rus).

Per comparason, 3,4% dels quirguizes e 0,4% dels russes de Quirguizstan podían parlar ozbèc.

Nòtas e referéncias

1. <http://www.demoscope.ru/weekly/2005/0197/analit04.php>
2. Recensament de 1999
3. Recensament de 2009
4. Donadas de 1999



Portal de las lengas

Recuperada de « <https://oc.wikipedia.org/w/index.php?title=Quirguiz&oldid=2168013> »

Aquesta pagina es estada modificada pel darrièr còp lo 5 març de 2020 a 09.49.

Drech d'autor : Los tèxtes son disponibles jos licéncia Creative Commons paternitat pertatge a l'identic ; d'autras condicions se pòdon aplicar. Vejatz las condicions d'utilizacion per mai de detalhs, e mai los credits grafics.
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.